



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCLXXXI. ad annum MCCCXIV.

Parisiis, 1644

Epistola Roberti Archiepiscopi Cantvariensis Ad Bonifacivm Papam VIII.
Certificatio archiepiscopi domino papae missa super negotiis Scotiae.

urn:nbn:de:hbz:466:1-15974

prout speramus & cupimus , promptis & efficacibus studiis habiturum ut apud cœlestem regem , pro minimis grandia dependentem , non immerito reddaris acceptior , gratior habearis , & præter laudis humanæ præconium tibi proinde prouenturum , apostolicæ sedis fauorem & gratiam possis vberius promerer . Si vero in eodem regno Scotiæ , vel aliqua eius parte , ius aliquod habere te afferis , volumus quod tuos procuratores & nuntios ad hoc specialiter constitutos cum omnibus iuribus & munimentis tuis , huiusmodi negotium contingentibus , infra sex menses a receptione præsentium numerandos , ad nostram præsentiam mittere non omittas , cum parati simus tibi tamquam dilecto filio plene super præmissis exhibere iustitiae complementum , & iura (si qua habes) inuiolabili ter obseruare . Nos enim nihilo minus extunc lites , quæstiones , & controuersias quaslibet , inter te denique & regnum Scotiæ , ac prælatos , clericos & personas seculares eiusdem subortas , & quæ possunt in posterum ex quibusvis causis prædictis exoriri , totumque negotium prædicta contingens , aut aliquod eorumdem , ad cognitionem & determinationem sedis eiusdem , præsentium tenore reducimus , & etiam reseruamus , decernentes irritum & inane , si secus scienter vel ignoranter a quoquam in hac parte contigerit attentari . Datum Anagniæ v . Kalendas Iulii , pontificatus nostri anno quinto .

EPISTOLA
ROBERTI ARCHIEPISCOPI
CANTVARIENSIS
AD BONIFACIVM PAPAM VIII.
Certificatio archiepiscopi domino papæ missa super
negotiis Scotiæ .

Sanctissimo in Christo patri , & domino suo reuerendo , si placet , domino Bonifacio diuina prouidentia sacrosanctæ Romane ac uniuersalis ecclesiæ summo pontifici , suus filius denotus Robertus , permissione diuina Cantuariensis ecclesiæ minister humilis , pedum oscula beatorum , cum promptitudine iuxta posse parendi mandatis papalibus ac præceptis .

MANDATVM sanctæ & reuerendæ paternitatis vestræ sub bulla plumbea nuper recepi , tenorem conti-

nens infra scriptum: Bonifacius episcopus, &c. Frequens & inculcata fide dignorum, &c. De verbo ad verbum recitandototam bullam proxime præcedentem. Cuius sedator quasdam alias literas apostolicas nobili principi domino Eadvardo Dei gratia regi Angliae illustri directas, & per me ex iniuncto paternitatis vestrae præsentandas in continenti exhibuit, quasi sub eodem contextu. Quo quidem mandato vestro, vna cum literis supra scriptis reue renter admissis, ac statim coram me recitato, præparaui farciunculas, vecturas, & sumptus, extunc de die in diem, & familiam ordinavi ad veniendum pro expositione & expeditione eorum quæ mihi per vos mandabantur ad ipsum dominum regem, qui tunc agebat in remotioribus partibus regni sui, versus Scotiam, distantibus a loco ubi mandatum vestrum receperam per viginti vel circiter moderatas dietas. Et antequam venirem continuatis dietis cum omni festinatione ad ciuitatem Carleolum, quæ est in marchia Scotiæ, ingressus fuit idem rex cum exercitu suo partem regni Scotiæ, quæ vocatur Galuedia. Cumque diligenter explorando recepisse a viris fide dignis sæcularibus & religiosis, ipsius patriæ notitiam habentibus, quod ad regem usque ad Kriandbright, in arctissimis locis Galuediæ progressum, mihi tutus non patet accessus, tamen propter Scotos sine capitio regimine existentes, & alios latrunculos prædas & sanguinem Anglorum sitientes, qui cum duce exercitus eorumdem occupauerant media loca inter Carleolum & ipsum dominum regem, distantem ab eadem ciuitate fere per quadraginta millaria, cum propter vietus & hospitii defectum, qui in itinere medio, vastata tota patria, reperiire vel per eam asportari nequibant: ego per obedientiæ necessitatem ex parte vna, & per tanta pericula in tam longinquis partibus de mea dioecesi & prouincia, quæ ex altera nimium nos vrgbant, arctatus, maxime non inuento inter sæculares vel religiosos quoquam qui aduentus mei causam ipsis Scottis verbo tenus, vel per literas meas, propter mortis periculum, auderet deferre, & mihi securum conductum petere ab eisdem, aliud remedium prout potui exquirens, direxi duos ex familiaribus meis ad dominum regem prædictum, cum literis meis, nauigio per quosdam

Concil. Tom. 28.

Rrrr ij

periculosos transitus maris; significans sibi per easdem aduentum meum & eius causam, & petens quod propter reuerentiam sedis apostolicæ, cuius eram nuntius, sibi significaret, vbi, qualiter, & quando, ad eum tute accedere possem propter viarum discrimina, quæ sibi per easdem meas literas nuntiaui. Cuius responso ab eisdem nuntiis, non minima pericula in mari & itinere eundo & redeundo euasis, per literas regias mihi delato, quibus continebatur quod ipse dominus rex nihil securi pro me sciuit ad vitanda dicta pericula, quam quod cum domina regina vxore sua, pro qua miserat, venirem ad partes Gerevikes, ad locum vbi dispositi eidem dominæ obuiare, deficiente nauigio, quo vna cum equis & familiaribus meis necessariis vehi possem per mare. Quod dum nuntii mei transierunt tam periculose versus regem, ventis etiam quasi continue validis & contrariis existentibus, morabar in confiniis Scotiæ, quærendo de loco in locum viætus sufficientiam potius quam abundantiam, circa sex septimanæ securioris progressus ad regem opportunitatem non tam dispendiose quam anxie expectando. Denique cum audirem diligentius explorando quod idem dominus rex cum exercitu suo in redeundo versus castrum de Caerlandrok, quod prius ceperat, in Scotia fixisset tentoria, iuxta nouam abbatiam Duzquer in Galuedia, malens periculo me meos ac mea exponere, quam in tam longinquis partibus, quodammodo vacuis, extra meam diceceſſim & prouinciam diutius sic languere, latitans in quibusdam locis secretis iuxta mare, quod diuidit Angliam & Galuediam, captata temporis opportunitate, in reflexu maris, ductus ab his quos non oportebat via transitus ignorasse, transiui per quatuor meatus aquarum maritimorum cum equis & phaleris, nomine magis (ratione profunditatis aquarum) quam litoris & viuorum fabulorum introitu & exitu periculosos, & quasi inopinate veni die Veneris proximo post festum sancti Batholomai apostoli ultimo iam transacto ad dictum dominum regem, in medio exercitu suo tunc in prandio existentem: & quia non potuit, ut dicebat, eo die vacare, mandauit mihi illo die in sero per duos de maioribus comitibus, qui tunc assistebant ei, quod in craftino, videlicet fab-

bato sequente, audiret me benigne. Adueniente igitur ipso die sabbati coram deuotissimo iuuene domino Eadwardo filio dicti regis, comitibus, baronibus & aliis militibus sui exercitus, in magna multitudine confluentibus, ac dicto domino regi assitentibus, recitato mandato vestro prædicto mihi transmisso, literas sanctæ paternitatis vestræ prefato domino regi directas, auctoritate eiusdem mandati præsentauit eidem : quas ipse dominus rex reuerenter recipiens, eas publice legi coram omnibus, & in Gallica lingua fecerat patenter exponi. Quibus auditis patienter a singulis, animauit ipsum, & induxi modis quibus potui & sciui, quod vestris exhortationibus, quoad ea quæ in dictis literis exponebantur, pareret in omnibus reuerenter. Postmodum me secedente ab eo cum clericis meis ad mandatum suum, dum deliberaret super his cum dictis proceribus suis, ac demum reuocato respondit mihi coram eisdem per interpositam personam sub hac forma :

Responsio archiepiscopo Cantuariensi ad literas apostolicas.

Domine archiepiscope, fecistis ex parte superioris & reuerendi patris domini papæ quamdam monitionem, contingentem statum & ius regni Scotiæ. Verum quia consuetudo est regni Angliae quod in negotiis contingentibus statum eiusdem regni requiratur consilium omnium quos res tangit, ac instans negotium regni Scotiæ tangit statum & ius regni Angliae, pluresque sunt prælati, comites, barones, & alii regni Angliae proceres absentes, qui non sunt nec fuerunt in isto exercitu, quos dictum contingit negotium, quibus etiam inconsultis responderinon poterit dicto summo patri nostro, aut vobis finaliter. In hac parte intendit dominus noster rex super contentis in literis dicti patris quamcuius poterit commode eosdem absentes, & nunc præsentes, simul consulere, & cum eisdem deliberatus tractare, ac per nuntios proprios eidem summo pontifici super his de communi eorum consilio respondere.

Quod quidem responsum idem dominus rex sic in sua presentia nomine suo factum ratificauit, ac etiam expresse

Rrrr ij

approbavit. Dum igitur cum tali responso , coram tanta multitudine magnatum & aliorum fide dignorum mihi facto , licentiatus diuertissem ab eo, & versus propria reuerissem, audiui quod idem dominus rex statim infra quadratum post recessum meum redit cum exercitu suo ad partes Angliae : & singulis quasi de exercitu suo ad propria cum equis & armis remeantibus, idem dominus rex exercitu sic disperso , paucis enim comitantibus , & secum retentis, perendinare disposuit, vt dicebatur communiter, apud quamdam abbatiam , quæ vocatur Holmcoltran, in confiniis Scotiæ supra mare. Et sic mandatum vestrum cum omni qua potui diligentia sum reuerenter in omnibus executus. Valeat semper & crescat in Domino ad suæ ecclesiæ regimen apostolica celsitudo vestra.

Datum apud Otteford , octauo Idus Octobris , anno Domini millesimo trecentesimo.

EPISTOLA
EADVVARDI REGIS ANGLIAE.
AD BONIFACIVM PAPAM VIII.

Respondet Bonifacio super Scotiæ negotiis.

Sanctissimo in Christo patri domino Bonifacio , diuina , &c. Eadwardus , &c. infra scripta , non in forma , nec in figura iudicii , sed omnia extra iudicium pro seruanda sanctæ paternitatis vestræ constantia , vobis transmittimus exhibenda.

ALTISSIMVS inspecto[r] cordium vestræ scrinio memoriæ indelebili stylo[nouit inscribi , quod antecessores & progenitores nostri reges Angliae , iure superioris & directi dominii ab antiquissimis retro temporibus regno Scotiæ & omnibus ipsius regibus & temporibus annexis præfuerunt , & ab eisdem pro regno Scotiæ , & eiusdem proceribus , a quibus habere volébant , legalia homagia receperunt , & fidelitatis debita iuramenta receperunt. Nos iuris & dominii possessionem continuantes huiusmodi pro tempore nostro , eadem iuramenta recepimus tam a rege Scotiæ , quam ipsius regni proceribus. Quintimo tanti iuris & dominii prærogatiua super regnum Scotiæ & eiusdem reges gaudebant , quod regnum ipsum fidibus suis conferebant. Reges etiam ex iustis causis a-